



МОНГОЛ УЛСЫН
ЭРЧИМ ХҮЧНИЙ САЙДЫН
ТУШААЛ

2022 оны 10 сарын 25 өдөр

Дугаар А/215

Улаанбаатар хот

Журам шинэчлэн батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Эрчим хүчний тухай хуулийн 6 дугаар зүйлийн 6.1.13 дахь хэсгийг тус тус үндэслэн ТУШААХ нь:

1.Төсөл, арга хэмжээний техник хяналтын зардал, тусгай зөвшөөрөл, цахилгаан, дулааны техникийн нөхцөл олголтын үйлчилгээний хураамжийг зарцуулах, тайлагнах журмыг хавсралт ёсоор шинэчлэн баталсугай.

2.Энэхүү журмын хэрэгжилтэд хяналт тавьж ажиллахыг Эрчим хүчний бодлогын хэрэгжилтийг зохицуулах газрын дарга /Б.Насантогтох/, Санхүү, хөрөнгө оруулалтын газрын дарга /З.Мөнх-Оргил/ нарт тус тус даалгасугай.

3.Энэ тушаал батлагдсантай холбогдуулан Эрчим хүчний сайдын 2017 оны 04 дүгээр сарын 03-ны өдрийн 50 дугаар тушаал, 2020 оны 01 дүгээр сарын 30-ны өдрийн 67 дугаар тушаалыг тус тус хүчингүй болсонд тооцсугай.



Б.ЧОЙЖИЛСҮРЭН

170600519

Эрчим хүчний сайдын
2022 оны 10 дугаар сарын 25-ны
өдрийн А/ дугаар тушаалын
/215 хавсралт

**ТӨСӨЛ, АРГА ХЭМЖЭЭНИЙ ТЕХНИК, ХЯНАЛТЫН ЗАРДАЛ,
ТУСГАЙ ЗӨВШӨӨРӨЛ, ЦАХИЛГААН, ДУЛААНЫ ТЕХНИКИЙН НӨХЦӨЛ
ОЛГОЛТЫН ҮЙЛЧИЛГЭЭНИЙ ХУРААМЖИЙГ ЗАРЦУУЛАХ, ТАЙЛАГНАХ ЖУРАМ**

Нэг. Нийтлэг үндэслэл

1.1. Энэхүү журмын зорилго нь "Эрчим хүчний үндэсний төв" ТӨХХК-аар хянагдах улсын төсөв, гадаадын зээл, тусламжийн хөрөнгө, бондын хөрөнгө, хөгжлийн банк, концессоор хэрэгжиж байгаа төсөл арга хэмжээний техник хяналтын зардал, тусгай зөвшөөрөл болон цахилгаан, дулааны техникийн нөхцөл олголтын үйлчилгээний хураамжийг зарцуулах, бүртгэх, тайлагнахтай холбогдсон харилцааг зохицуулна.

1.2. Эрчим хүчний салбарт хэрэгжиж байгаа улсын төсөв, гадаадын зээл тусламжийн хөрөнгө, бондын хөрөнгө, Хөгжлийн банк, концессоор хэрэгжиж байгаа төсөл арга хэмжээний техник хяналтын зардал, тусгай зөвшөөрөл болон цахилгаан, дулааны техникийн нөхцөл олголтын үйлчилгээний хураамжийг Иргэний тухай хууль, Эрчим хүчний тухай хууль, Барилгын тухай хууль, Төсвийн тухай хууль болон холбогдох хууль тогтоомж, энэхүү журмын хүрээнд зарцуулж, тайлагнана.

**Хоёр. Техник хяналтын зардал, тусгай зөвшөөрлийн хураамжийг
зарцуулах үйл ажиллагааны төрөл, хувь хэмжээ**

2.1. "Эрчим хүчний үндэсний төв" ТӨХХК-ийн хяналтад хянагдах эрчим хүчний салбарт хэрэгжиж байгаа улсын төсөв, гадаадын зээл тусламжийн хөрөнгө, бондын хөрөнгө, хөгжлийн банк, концессоор хэрэгжиж байгаа төсөл арга хэмжээний техник хяналтын зардал, тусгай зөвшөөрөл болон цахилгаан, дулааны техникийн нөхцөл олголтын үйлчилгээний хураамжийг эрчим хүчний салбарын бодлогын хэрэгжилтийг хангах, эрчим хүчний салбарын гадаад харилцааг өргөжүүлэх, мэргэжил арга зүйгээр хангах, технологийн шийдэл гаргах, техник тоног төхөөрөмжийн сонголт хийх зорилгоор дараах үйл ажиллагаанд зарцуулна. Үүнд:

2.1.1. барилга угсралтын ажлын технологийн шийдэл, техник тоног төхөөрөмжийн сонголт хийх, тестлэх, энэ чиглэлээр гадаад улсын холбогдох байгууллагад ажиллах албан тушаалтнуудын гадаад албан томилолт

2.1.2. барилга угсралтын ажлын үе шатны техникийн хяналтууд, техникийн нөхцөлийн холболтын цэг тодорхойлох, схем боловсруулах, горим тооцоо хийх, техникийн комисс, улсын комисст ажиллах яамны холбогдох албан тушаалтнуудын дотоод албан томилолт;

2.1.3. гадаадын хөрөнгө оруулалтын цар хүрээг өргөжүүлэх ажлын хүрээнд олон улсын байгууллага, хандивлагч орнуудтай төсөл боловсруулах, гадаадын зээл, тусламжаар хэрэгжүүлэх төслийн техник, эдийн засгийн үндэслэл боловсруулах, шинэ техник технологи нэвтрүүлэх чиглэлээр газар

дээр нь үйлдвэр аж ахуйн нэгжтэй танилцах яамны болон "Эрчим хүчний үндэсний төв" ТӨХХК-ийн холбогдох албан тушаалтнуудын гадаад улсад ажиллах гадаад албан томилолт;

2.1.4.хууль тогтоомж, дээд байгууллагын шийдвэрийн биелэлтийг хангуулахаар ажиллах яамны холбогдох албан тушаалтнуудын гадаад, дотоод албан томилолт;

2.1.5.тусгай зөвшөөрөл хүссэн байгууллагын үйл ажиллагаатай танилцах, шалгах, цахилгаан дулааны техникийн нөхцөлийн холболтын цэг тодорхойлох зорилгоор тухайн газарт ажиллахтай холбогдон гарах зардал

2.1.6.эрчим хүчний салбарын хэмжээнд зохион байгуулагдах хурал, сургалт, семинар түүнийг зохион байгуулахтай холбогдсон зардал болон техник хэрэгсэл, зочид буудал төлөөлөгчдийг хүлээн авахтай холбогдсон зардал;

2.1.7.цахилгаан, дулааны техникийн нөхцөл хүссэн хүсэлтийг хэлэлцэн шийдвэрлэх ажлын хэсгийн хурал зохион байгуулахтай холбогдон гарах зардал;

2.1.8.тусгай зөвшөөрөл, цахилгаан, дулааны техникийн нөхцөлийн цахим системийн хөгжүүлэхтэй холбогдон гарах зардал.

2.2.техник хяналтын зардалд төвлөрсөн орлогын 70 хүртэлх хувийг "Эрчим хүчний үндэсний төв" ТӨХХК, үлдэх хувийг Эрчим хүчний яам төвлөрүүлж зарцуулна. }

2.3.тусгай зөвшөөрөл болон цахилгаан, дулааны техникийн нөхцөл олголтын хураамжийн төвлөрсөн орлогын 50 хувийг "Эрчим хүчний үндэсний төв" ТӨХХК, үлдэх хувийг Эрчим хүчний яам зарцуулна.

Гурав. Эрчим хүчний яамны эрх, үүрэг

3.1.Томилолтын төсвийг холбогдох хууль тогтоомжийн дагуу батлагдсан гадаад, дотоод томилолтын зардлыг тооцох аргачлалыг баримтлан боловсруулж батлуулна.

3.2.Томилолтын удирдамж, төсвийг хийгдэх ажлын хүрээ, хугацааг тодорхой бичиж эрх бүхий албан тушаалтнаар батлуулна.

3.3.Гадаад болон дотоод томилолт, хурал, сургалт зохион байгуулах холбогдох зардлыг гаргах хүсэлтийг "Эрчим хүчний үндэсний төв" ТӨХХК-нд тухай бүр албан бичгээр уламжилна.

Дөрөв. "Эрчим хүчний үндэсний төв" ТӨХХК-ийн эрх, үүрэг

4.1.Эрчим хүчний яамнаас ирүүлсэн албан бичгийг үндэслэн гадаад болон дотоод томилолт, хурал, сургалт зохион байгуулах холбогдох зардлыг олгоно.

4.2."Эрчим хүчний үндэсний төв" ТӨХХК энэ журмын 2.1-т заасан зардлыг холбогдох зардлаар хүлээн зөвшөөрч бүртгэнэ.

4.3."Эрчим хүчний үндэсний төв" ТӨХХК анхан шатны баримтын бүрдлийг хангаж ажиллана.

Тав.Зарцуулалтын байдлыг тайлагнах, хяналт тавих

5.1.Албан хаагчид томилолтын тайлан, илтгэх хуудас, томилолтын тооцоо, зарцуулалтын тайланг ажлын 5 хоногийн дотор гаргаж, яамны Төрийн нарийн бичгийн даргад танилцуулж, хянуулан холбогдох газар, хэлтсийн мэргэжилтэнд хүлээлгэж өгнө.

5.2."Эрчим хүчний үндэсний төв" ТӨХХК нь энэхүү журамд заагдсан үйл ажиллагааны санхүүжилт, зарцуулалтын талаарх тайланг жил бүрийн 06 дугаар сарын 30, 12 дугаар сарын 30-ны байдлаар гаргаж, Эрчим хүчний яамны Санхүү хөрөнгө оруулалтын газар болон Эрчим хүчний бодлогын хэрэгжилтийг зохицуулах газарт ирүүлнэ.

5.3.Энэхүү журмын хэрэгжилтэд Эрчим хүчний яамны Санхүү хөрөнгө оруулалтын газар холбогдох чиг үүргийнхээ дагуу хяналт тавьж ажиллана.

---oOo---



МОНГОЛ УЛСЫН
ЭРЧИМ ХҮЧНИЙ САЙДЫН
ТУШААЛ

2023 оны 03 сарын 02 өдөр

Дугаар А/68

Улаанбаатар хот

Журам шинэчлэн батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Монгол Улсын Засгийн газрын 2020 оны 97 дугаар тогтоолын 1 дүгээр хавсралтаар баталсан Цахилгаан эрчим хүч хэрэглэх дүрмийн 2.5 дахь хэсэг, мөн тогтоолын 2 дугаар хавсралтаар баталсан Дулааны эрчим хүч хэрэглэх дүрмийн 2.4 дэх хэсгийг тус тус үндэслэн ТУШИААХ нь:

1.Цахилгаан, дулааны техникийн нөхцөл хүссэн хүсэлтийг хэлэлцэж, шийдвэрлэх ажлын хэсгийн ажиллах журмыг хавсралтаар шинэчлэн баталсугай.

2.Батлагдсан журмыг үйл ажиллагаандаа мөрдөн ажиллахыг техникийн нөхцөл олгох ажлын хэсэгт үүрэг болгосугай.

3.Энэ тушаал гарсантай холбогдуулан Эрчим хүчний сайдын 2022 оны 01 дүгээр сарын 03-ний өдрийн А/01 дугаар тушаалыг хүчингүй болсонд тооцсугай.



Б.ЧОЙЖИЛСҮРЭН

170800060148

Эрчим хүчний сайдын 2028 оны 03 дугаар сарын
02-ний өдрийн А/68 дугаар тушаалын хавсралт



ЦАХИЛГААН, ДУЛААНЫ ТЕХНИКИЙН НӨХЦӨЛ ХҮССЭН ХҮСЭЛТИЙГ ХЭЛЭЛЦЭЖ, ШИЙДВЭРЛЭХ АЖЛЫН ХЭСГИЙН АЖИЛЛАХ ЖУРАМ

Нэг. Нийтлэг үндэслэл

1.1. Энэ журмаар иргэн, хуулийн этгээдийн цахилгаан, дулааны техникийн нөхцөл (цаашид "техникийн нөхцөл" гэх) хүссэн хүсэлтийг хүлээн авах, судлах, ажлын хэсгийн хурал (цаашид "хурал" гэх)-д хэлэлцүүлэхээр бэлтгэх, хурлаар хэлэлцэх, холбогдох шийдвэрийг гаргах, хариу хүргүүлэхтэй холбогдсон харилцааг зохицуулна.

1.2. Энэ журмыг Цахилгаан эрчим хүч хэрэглэх дүрмийн 2.5 дэх хэсэг, Дулааны эрчим хүч хэрэглэх дүрмийн 2.4 дэх хэсэгт тус тус заасан ажлын хэсэг (цаашид "ажлын хэсэг" гэх) мөрдөж ажиллана.

Хоёр. Ажлын хэсгийн бүрэлдэхүүн, тэдгээрийн эрх, үүрэг

2.1. Ажлын хэсэг нь орон тооны бус байх бөгөөд дарга, орлогч дарга, гишүүдээс бүрдэх ба нарийн бичгийн даргатай байна.

2.2. Ажлын хэсгийн үйл ажиллагааг эрчим хүчний асуудал эрхэлсэн төрийн захиргааны төв байгууллагын бодлогын хэрэгжилтийн асуудал хариуцсан нэгж хариуцан зохион байгуулах бөгөөд ажлын хэсгийн дарга нь тус нэгжийн дарга, нарийн бичгийн дарга нь тухайн асуудал хариуцсан албан тушаалтан тус тус байна.

2.3. Ажлын хэсгийн бүрэлдэхүүнд эрчим хүчний асуудал эрхэлсэн төрийн захиргааны төв байгууллагын холбогдох албан тушаалтнууд, диспетчерийн зохицуулалт хийх, цахилгаан, дулаан үйлдвэрлэх, дамжуулах тусгай зөвшөөрөл эзэмшигчийн ерөнхий диспетчер, ерөнхий инженер тус тус байна.

2.4. Шаардлагатай тохиолдолд хуралд цахилгаан, дулаан үйлдвэрлэх, түгээх, хангах, тусгай зөвшөөрөл эзэмшигчийн ерөнхий инженер, орон нутгийн засаг захиргааны байгууллагатай зөвшилцснөөр холбогдох албан тушаалтныг оролцуулж, хурлыг өргөтгөсөн хэлбэрээр зохион байгуулж болно.

2.5. Ажлын хэсэг нь дараах эрх, үүрэгтэй байна:

2.5.1. Эрчим хүчний тухай хууль, Сэргээгдэх эрчим хүчний тухай хууль, Цахилгаан эрчим хүч хэрэглэх дүрэм, Дулааны эрчим хүч хэрэглэх дүрэм болон холбогдох бусад хууль тогтоомж, норм, дүрэм, журам болон Диспетчерийн

үндэсний төвийн тухайн жилийн тооцооны дүгнэлт, хангагч байгууллагуудын тооцоо, судалгаа, ирүүлсэн саналд үндэслэн шийдвэр гаргах;

2.5.2.техникийн нөхцөл хүссэн хүсэлтийг шийдвэрлэхтэй холбогдуулан иргэн, хуулийн этгээдээс шаардлагатай баримт бичиг, тодруулга тайлбар, барилга байгууламжийн гүйцэтгэл, төлөвлөгөө, мэдээллийг гаргуулан авах;

2.5.3.ажлын хэсгийн хурлыг сар бүрийн сүүлийн 10 хоногт хуралдуулж, холбогдох шийдвэрийг гаргаж, хүсэлт гаргагчид хариуг хүргүүлсэн байх;

2.5.4.улс, орон нутгийн төсөв, гадаадын зээл, тусламжийн хөрөнгөөр хэрэгжих бүтээн байгуулалтын ажилтай холбоотой техникийн нөхцөл хүссэн хүсэлтийг тухай бүр хуралдаж шийдвэрлэх;

2.6. Ажлын хэсгийн дарга нь дараах эрх, үүрэгтэй байна:

2.6.1.хурлыг товлон зарлах, хуралдуулах, удирдах, хурлын тэмдэглэлийг хөтлүүлэх, хурлын шийдвэр (хэлэлцэх хүсэлтүүдийн жагсаалт, хурлын тэмдэглэл, албан бичиг, техникийн нөхцөл)-ийг баталгаажуулах;

2.6.2.хурлаас өгсөн үүрэг даалгаварын хэрэгжилтийг холбогдох албан тушаалтнаас шаардах, гаргуулан авах;

2.6.3.хуралд оролцох боломжгүй тохиолдолд хурал удирдах эрхийг орлогч даргад шилжүүлэх;

2.7.ажлын хэсгийн орлогч дарга нь ажлын хэсгийн даргаас хурал удирдах эрх шилжүүлсний үндсэн дээр энэ журмын 2.6.1, 2.6.2 болон 2.8-д заасан эрх, үүргийг хэрэгжүүлнэ.

2.8. Ажлын хэсгийн гишүүн нь дараах эрх, үүрэгтэй байна:

2.8.1.техникийн нөхцөл хүссэн хүсэлт, бүрдүүлсэн баримт бичиг, холбогдох тооцоо судалгаа, хангагч байгууллагуудын ирүүлсэн саналтай танилцаж, тодруулга авах, санал өгөх;

2.8.2.хуралд оролцох үүрэгтэй бөгөөд хүндэтгэн үзэх шалтгааны улмаас оролцох боломжгүй тохиолдолд ажлын хэсгийн даргад 1 хоногийн өмнө урьдчилан мэдэгдэх, өөрийн эзгүйд холбогдох албан тушаалтныг хуралд төлөөлөн оролцуулах;

2.8.3.хурлаас өгсөн үүрэг даалгаварын хэрэгжилтийг хангах, тайлагнах;

2.8.4.хурлын шийдвэр, хангагч байгууллагуудын санал, дүгнэлт, бусад мэдээллийг иргэн, хуулийн этгээдэд дамжуулахгүй байх.

2.9. Ажлын хэсгийн нарийн бичгийн дарга нь дараах эрх, үүрэгтэй байна:

2.9.1.Цахилгаан эрчим хүч хэрэглэх дүрмийн 2.1, Дулааны эрчим хүч хэрэглэх дүрмийн 2.1-д тус тус заасан баримт бичгийн бүрдэл дутуу, мөн хангагч байгууллагуудын эх үүсвэр, шугам, сүлжээний горим ажиллагаа, ачаалал хэрэглээ

нэмэх боломжгүй талаарх судалгаа болон хамгаалалтын зурвасын зөрчилтэйн улмаас буцаагдсан тохиолдолд энэ тухай хүсэлт гаргагчид цахим систем болон утсаар мэдэгдэх;

2.9.2.холбогдох тооцоо судалгааг хийлгэхээр хүлээн авсан хүсэлтүүдийг хангагч байгууллагуудад тухай бүр мэдэгдэх;

2.9.3.Цахилгаан эрчим хүч хэрэглэх дүрмийн 2.6.2, Дулааны эрчим хүч хэрэглэх дүрмийн 2.5.2-д тус тус заасны дагуу 5 МВА, 5 Гкал/ц болон түүнээс дээш ачаалал хэрэглээтэй техникийн нөхцөлийн хүсэлтийн жагсаалт гарган, Диспетчерийн үндэсний төвд хүргүүлэн тооцоог хийлгэх;

2.9.4.хүлээн авсан хүсэлтийг нэгтгэж, ажлын хэсгийн хурлаар хэлэлцэх жагсаалтыг ажлын хэсгийн даргаар батлуулна.

2.9.5.хурлыг зохион байгуулах, хурлын товч тэмдэглэлийг хөтлөх, шийдвэр (хурлын тэмдэглэл, албан бичиг, техникийн нөхцөл)-ийн төслийг хурлаас шийдвэрлэсний дагуу хангагч байгууллагын холбогдох албан тушаалтантай хамтран боловсруулах, баталгаажуулахад бэлтгэх, өгсөн үүрэг даалгаварын хэрэгжилтийг хангуулах, холбогдох баримт бичгүүдийг архивлах;

2.9.6.хурлаас өгсөн үүрэг даалгаварын хэрэгжилтийг хангуулах зорилгоор биелэлтийг холбогдох албан тушаалтнаас шаардах, гаргуулан авах;

2.9.7.хурлаас гарсан шийдвэрийг хүсэлт гаргагч иргэн, хуулийн этгээдэд цахим хэлбэрээр, техникийн нөхцөл олгохоос татгалзсан тохиолдолд албан бичгээр хариу мэдэгдэх.

Гурав. Ажлын хэсгийн хуралд бэлтгэх

3.1. Техникийн нөхцөл хүссэн хүсэлтийг сар бүрийн эхний 10 хоногт цахим системээр хүлээн авна.

3.2.Диспетчерийн үндэсний төв нь хүргүүлсэн хүсэлтүүдийн дагуу холбогдох тооцоог хийж, дүгнэлтээ баталгаажуулж, сар бүрийн 25-ны өдрийн дотор зөвхөн ажлын хэсэгт ирүүлнэ.

3.3. Батлагдсан жагсаалтын дагуу хангагч байгууллагууд нь иргэн, хуулийн этгээдийн хүссэн ачааллын тооцоо, судалгааг хийж, урьдчилсан дүгнэлт гарган Цахилгаан эрчим хүч хэрэглэх дүрмийн 2.6, Дулааны эрчим хүч хэрэглэх дүрмийн 2.5-д тус тус заасны дагуу саналаа баталгаажуулж, сар бүрийн дунд 10 хоногт ажлын хэсэгт ирүүлнэ.

3.4. Ажлын хэсэг энэ журмын 3.3-т заасан хангагч байгууллагуудын хийсэн тооцоо, судалгааг нягтлах шаардлагатай тохиолдолд тухайн хүсэлт гаргагчийн ачааллыг шугам сүлжээнд холбох асуудлыг тодруулахаар хойшлуулах эсвэл Диспетчерийн үндэсний төвөөр хянуулж дүгнэлт, санал авч болно.

3.5 Цахилгаан эрчим хүч хэрэглэх дүрмийн 2.6.2 дахь хэсэг, Дулааны эрчим хүчний хэрэглэх дүрмийн 2.5.2 дэх хэсэгт тус тус заасны дагуу тухайн жилийн

горимын тооцооны дүгнэлт гаргах төлбөрийг "Эрчим хүчний үндэсний төв" ТӨХХК-ийн харилцах дансанд төвлөрүүлнэ.

3.6. Цахилгаан эрчим хүч хэрэглэх дүрмийн 2.18 дахь хэсэг, Дулааны эрчим хүчний хэрэглэх дүрмийн 2.14 дэх хэсэгт тус тус заасны дагуу техникийн нөхцөл шинээр авах, сунгуулах, өөрчлөлт оруулахад үйлчилгээний төлбөр (хураамж)-ийг авна.

3.7. Энэ журмын 3.5, 3.6-д заасан үйлчилгээний төлбөр (хураамж)-ийг техникийн нөхцөл (шинээр олгосон, хүчинтэй хугацааг сунгасан, өөрчлөлт оруулсан) баталгаажсан тохиолдолд хүсэлт гаргасан иргэн, хуулийн этгээд төлнө.

3.8. Дараах тохиолдолд үйлчилгээний төлбөр (хураамж) төлөхгүй:

3.8.1.эрчим хүчний салбарт улс, орон нутгийн төсөв, гадаадын зээл, тусламжийн хөрөнгөөр хэрэгжих ажлууд;

3.8.2.эрчим хүчний салбарын төрийн өмчит компаниудын их засвар, техник зохион байгуулалт, хөрөнгө оруулалтаар хийгдэх ажлууд.

Дөрөв. Ажлын хэсгийн хурлын шийдвэр,
шийдвэрийг баталгаажуулах, хариу хүргүүлэх

4.1. Хурал нь гишүүдийн 70 буюу түүнээс дээш хувь нь оролцсоноор хүчинтэй байна.

4.2. Хурлыг цахим хэлбэрээр зохион байгуулж болох бөгөөд энэ тохиолдолд энэ журмын 4.1-д заасныг хангаснаар хүчинтэйд тооцогдоно.

4.3. Ажлын хэсэг дарга, орлогч дарга, гишүүд нь хурлаар хэлэлцэх асуудалтай танилцсаны дараа Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 8 дугаар зүйлийн 8.1-д заасны дагуу мэдэгдлийн маягт бөглөнө.

4.4. Нарийн бичгийн дарга нь хуралд ирц, ирүүлсэн хүсэлт, холбогдох тооцоо, хангагч байгууллагуудын санал, дүгнэлтийг танилцуулна. Диспетчерийн үндэсний төв гаргасан тооцооны дүгнэлтээ танилцуулна.

4.5. Хурлын шийдвэр нь хуралд оролцсон гишүүдийн олонхийн саналаар хүчинтэйд тооцогдоно. Татгалзсан саналтай бол тайлбар, үндэслэлээ хурлын тэмдэглэлд тусгуулна.

4.6. Нарийн бичгийн дарга нь хурлын товч тэмдэглэлийг хөтөлж, хурал даргалагчаар хянуулж, баталгаажуулна.

4.7. Техникийн нөхцөл шинээр олгох, сунгах, нэмэлт, өөрчлөлт оруулах, холболтын цэг өөрчлөх тухай бүрт хурлаар хэлэлцэн шийдвэрлэнэ.

4.8. Техникийн нөхцөлд ажлын хэсгийн орлогч дарга, гишүүд (диспетчерийн зохицуулалт хийх тусгай зөвшөөрөл эзэмшигчийн ерөнхий диспетчер, цахилгаан, дулаан үйлдвэрлэх, дамжуулах тусгай зөвшөөрөл эзэмшигчийн ерөнхий инженер,

нарийн бичгийн дарга гарын үсэг зурж, ажлын хэсгийн даргаар баталгаажуулан байгууллагын тэмдэг дарна.

4.9. Техникийн нөхцөлийг зөвхөн хүсэлт гаргасан иргэн, хуулийн этгээдэд мэдэгдэх, төлбөр (хураамж)-ийг төлүүлэх, техникийн нөхцөлд заагдсан нөхцөл, шаардлагуудыг танилцуулах ажлыг нарийн бичгийн дарга зохион байгуулж, энэ талаар тэмдэглэл, бүртгэл хөтөлж баталгаажуулна.

4.10 Ажлын хэсгийн шийдвэр баталгаажуулсаны дараа тухай сардаа багтаан хүсэлт гаргагчид хариуг /техникийн нөхцөл, татгалзсан тухай албан бичиг/ хүргүүлсэн байх;

Тав. Бусад

5.1. Энэ журмыг зөрчсөн этгээдэд холбогдох хууль тогтоомжийн дагуу хариуцлага хүлээлгэнэ.

___oOo___

“ДИСПЕТЧЕРИЙН ҮНДЭСНИЙ ТӨВ” ХХК-ИЙН ТӨЛӨӨЛӨН УДИРДАХ ЗӨВЛӨЛИЙН ТОГТООЛ

2017 оны 05 сарын 09 ний өдөр

Дугаар 15

Улаанбаатар хот

Журам шинэчлэн батлах тухай

Компанийн тухай хуулийн 76 дугаар зүйлийн 76.1.13, Төлөөлөн удирдах зөвлөлийн ажиллах журмын 2.9.8 дахь заалтуудыг үндэслэн ТОГТООХ нь:

1. “Диспетчерийн үндэсний төв” ХХК-ийн нэмэлт ажлын үйлчилгээ зохицуулах журмыг хавсралтаар шинэчлэн баталсугай.

2. Дээрхи журмыг үйл ажиллагаандаа мөрдөж, хэрэгжүүлэн ажиллахыг гүйцэтгэх захирал /Д.Балдорж/-д үүрэг болгосугай.

3. Нэмэлт ажил үйлчилгээний орлогыг холбогдох хууль, журмын дагуу төвлөрүүлж, зарлага гаргахдаа санхүүгийн зөрчилгүй ажиллахыг гүйцэтгэх захирал /Д.Балдорж/, ерөнхий нягтлан бодогч /Б.Баярцэнгэл/ нарт үүрэг болгосугай.

4. Журмыг баталсантай холбогдуулан Төлөөлөн удирдах зөвлөлийн 2013 оны 01 сарын 23 өдрийн 03 дугаар тогтоолоор баталсан нэмэлт ажлын үйлчилгээний журмыг хүчингүйд тооцсугай.

ТӨЛӨӨЛӨН УДИРДАХ ДИСПЕТЧЕРИЙН
ЗӨВЛӨЛИЙН ДАРГА Д.ЧИМЭДДОРЖ



"Диспетчерийн үндэсний төв" Төрийн өмчит компанийн
Төлөөлөн удирдах зөвлөлийн 2017 оны 08 сарын 09
өдрийн 15 дугаар тогтоолын Хавсралт



"ДИСПЕТЧЕРИЙН ҮНДЭСНИЙ ТӨВ" ХХК

НЭМЭЛТ АЖИЛ, ҮЙЛЧИЛГЭЭ ЗОХИЦУУЛАХ ЖУРАМ

Улаанбаатар хот
2017 он

Нэг. Зорилго

Энэхүү журмын зорилго нь "Тусгай зөвшөөрлийн нөхцөл шаардлага"-ыг зөрчихгүйгээр байгууллагын үндсэн үйл ажиллагаанд хамаарахгүй нэмэлт ажил үйлчилгээг бусад байгууллагын захиалгыг үндэслэн Төсвийн тухай хууль болон бусад холбогдох хууль, дүрэм, журмын хүрээнд гүйцэтгэх, түүнд тавигдах шаардлага, удирдлага, зохион байгуулалт, чиг үүрэг, хариуцлага, төлбөр тооцооны асуудлыг зохицуулахад оршино.

Хоёр. Ажил үйлчилгээнд тавигдах шаардлага

- 2.1 Тусгай зөвшөөрлийн нөхцөл шаардлагыг зөрчихгүйгээр диспетчерийн зохицуулалт хийхтэй холбогдсон зарим нэмэлт ажил үйлчилгээ, үйл ажиллагааг гэрээний үндсэн дээр гүйцэтгэх;
- 2.2 Нэмэлт ажил үйлчилгээний санхүүгийн тайлан бүртгэлийг диспетчерийн зохицуулалт хийх үйл ажиллагааны санхүүгийн тайлан бүртгэлээс тусад нь хөтлөх;
- 2.3 Диспетчерийн зохицуулалт хийх үйл ажиллагаанаас олох орлогоос нэмэлт ажил үйлчилгээний үйл ажиллагаанд татаас олгохгүй байх;
- 2.4 Ажил үйлчилгээ явуулахдаа диспетчерийн зохицуулалт хийх давуу эрхээ хууль бусаар ашиглахгүй байх;
- 2.5 Компанийн ажилтнууд нь нэмэлт ажил үйлчилгээ явуулахдаа үндсэн үүрэгт ажлыг орхигдуулахгүйгээр ажил үйлчилгээг гүйцэтгэх;
- 2.6 Нэмэлт ажил үйлчилгээ нь ажлын эзэлхүүн, хугацаа, мэргэжлийн хувьд компанийн нөөц бололцооноос хэтэрсэн, техник технологийн туслалцаа зайлшгүй шаардлагатай бол бусад туслан гүйцэтгэгчтэй аж ахуйн гэрээний үндсэн дээр хамтран ажиллах;
- 2.7 Аж ахуйн үйл ажиллагааны тусгай зөвшөөрлийн хуульд заасны дагуу холбогдох татварын байгууллагад бүртгүүлсэн байх;
- 2.8 Ажилтны үндсэн мэргэжлийн холбогдолтой нэмэлт ажилд компанийн ажилтнуудыг тэгш эрхтэйгээр оролцуулахад анхаарах зарчмыг баримтална.

Гурав. Ажил үйлчилгээний чиглэл

- 3.1 Цахилгаан болон холбооны сүлжээний барилга байгууламжийн зураг, төсөл, тооцоо гүйцэтгэх;
- 3.2 Цахилгаан болон холбооны сүлжээний барилга байгууламжийн өөрчлөлт, шинэчлэлтийн тендерт оролцох, хэрэгжүүлэх
- 3.3 Компьютерийн програм хангамж боловсруулах, мэдээллийн сан байгуулах;
- 3.4 Интернетийн үйлчилгээ, электрон шуудан, вэб байршуулах үйлчилгээ үзүүлэх;
- 3.5 Цахилгаан тоноглолын засвар үйлчилгээний норм, технологийн карт зохиох;
- 3.6 Цахилгаан тоноглолын засварын төсөв зохиох;
- 3.7 Төлөвлөгөөнөөс 2 хувиас дээш хэтрүүлсэн болон станцын өөрийн шин дээрээс шууд түгээх цахилгаан эрчим хүчинд зохицуулалт хийх;
- 3.8 Холбоо, мэдээллийн хэрэгслийн засвар, үйлчилгээ;
- 3.9 Тусгай зөвшөөрөл эзэмшигчдийн хүсэлтээр тэдгээрийн реле хамгаалалт, автоматикийн тавилын тооцоо хийх /Компанийн удирдлага мэдлийн тоноглол хамаарахгүй/
- 3.10 Мэдээллийн технологи, хяналт мэдээллийн систем, горим тооцоо, зохицуулалтын үйл ажиллагааны чиглэлээр зөвлөгөө өгөх, сургалт явуулах, дадлагажуулах;
- 3.11 Эрчим хүчний нэгдсэн сүлжээнд шинээр холбогдох, диспетчерийн зохицуулалтад шууд хамрагдаагүй эх үүсвэр, шугам, дэд станцын горимын тооцоо гүйцэтгэх, дүгнэлт гаргах, судалгаа хийх
- 3.12 Монгол улсын хил орчмын хэрэглэгчдийн импортын цахилгаан эрчим хүчинд нэмэлт үйлчилгээ үзүүлэх;
- 3.13 Нэгдсэн сүлжээнд шинээр холбогдох эх үүсвэрүүдийн эрчим хүч худалдах, худалдан авах гэрээний төсөл боловсруулах, хэлцэл хийхтэй холбоотой судалгаа тооцоолол хийх, хэрэгжүүлэх

- 3.14 Цахилгаан болон холбооны сүлжээний барилга байгууламжийн техник эдийн засгийн үндэслэл боловсруулах,
- 3.15 Эрчим хүчний барилга байгууламжийн болон бусад салбарын төслүүдэд зөвлөх үйлчилгээ үзүүлэх.

Дөрөв. Ажил, үйлчилгээний зохион байгуулалт

- 4.1 Диспетчерийн зохицуулалтын тусгай зөвшөөрлийн нөхцөл, шаардлагад тусгагдаагүй нэмэлт ажил үйлчилгээг захиалгаар гүйцэтгэнэ.
- 4.2 Захиалгат болон холбоо, мэдээллийн дуудлагын үйлчилгээг "Захиалгат ба дуудлагын ажил, үйлчилгээний тооцоо" – ны хуудсаар гүйцэтгэнэ. /Хавсралт№1/
- 4.3 Мэдээллийн технологийн нэгжийн холбогдох ажилтнууд холбоо, мэдээллийн дуудлагын үйлчилгээг тухайн сарын сүүлийн өдрөөр тасалбар болгон тооцооны хуудсыг нэгтгэн товчоолж, Санхүүгийн нэгжид дараа сарын 15-ны дотор өгнө. Санхүүгийн нэгж нь тухайн сарын 20-ны дотор төлбөрийн нэхэмжлэхийг холбогдох байгууллагуудад хүргүүлэн, тооцоог хийнэ.
- 4.4 Хэвлэлийн үйлчилгээний захиалгыг мэдээллийн технологийн нэгжийн компьютерийн техникч хүлээн авч, тооцооны хуудсыг бөглөх бөгөөд зардлын төсвийг гарган Санхүүгийн нэгжид хүргүүлж, санхүүгийн нэгж нь төлбөрийн нэхэмжлэхийг бүрдүүлж захиалагчид хүргүүлнэ. Захиргааны нэгж нь хэвлэлийн материалд агуулагдах шаардлагатай мэдээллээр хангах ажлыг зохион байгуулах, Санхүүгийн нэгж нь захиалгат бүтээгдэхүүнийг орлогод авч, захиалагчаас төлбөр бүрэн хийсний дараа хүлээлгэн өгөх үүргийг тус тус хүлээнэ.
- 4.5 Горим тооцоо, технологийн удирдлагатай холбоотой ажлын гэрээ батлагдмагц үйлчилгээний захиалгыг тухайн ажлыг хариуцсан албаны дарга, ахлах инженер хүлээн авч, журамд заасан тарифын дагуу ажлын хөлсийг тооцоолон санхүүгийн нэгжээс гэрээний нийт төлбөрийн 40 хувиас доошгүй хэмжээгээр урьдчилгаа төлбөрийн нэхэмжлэх авч, захиалагчид хүлээлгэн өгнө. Урьдчилгаа төлбөр төлөгдсөний дараа захиалгат ажлыг гүйцэтгэж, захиалгат ажлын гүйцэтгэлийн материал, хяналтын ажлын акт, тооцоо баримтыг үлдэгдэл төлбөр хийгдсэний дараа ажил хүлээлцсэн актыг үндэслэн хүлээлгэн өгнө.
- Горим тооцооны болон реле хамгаалалтын тавилын тооцоот ажлыг гүйцэтгэх дараалал:
- Эрчим хүчний шинэ эх үүсвэр, цахилгаан дамжуулах агаарын шугам, дэд станцын горимын тооцоо болон реле хамгаалалтын тавилын тооцоог хийлгэх захиалагч компанид албан бичгээр хүсэлт гарган, Гүйцэтгэх захирал холбогдох тооцоо хийх алба болон Арилжааны зохицуулалтын албанд цохолт хийсэн байх;
 - Тооцоо хийх нэгж ажлын эзэлхүүн, задаргааг гаргаж зохицуулалтын нэгжид хүргэнэ. Зохицуулалтын нэгжээс нэмэлт ажил үйлчилгээний гэрээ байгуулж батлуулан, урьдчилгаа төлбөрийн нэхэмжлэхийг журамд заасан хэмжээгээр хүргэн, урьдчилгаа төлбөрийг хүлээн авсны дараа тооцоо хийх нэгж ажлыг гүйцэтгэнэ.
 - Үйл ажиллагааны явцад хяналт тавих, захиалагч талын саналыг зохих байдлаар тусгах ажлыг тооцоо хийж буй нэгж ерөнхий диспетчерт танилцуулж гүйцэтгэнэ.
 - Горимын болон реле хамгаалалтын тооцоо болон гэрээт ажлыг гүйцэтгэж дууссаны дараа тухайн гэрээт ажлыг хийж гүйцэтгэсэн нэгж гэрээг дүгнэн захиалгат ажлыг хүлээлгэж өгөх тухай албан бичгийн хамт тооцоог арилжааны зохицуулалтын нэгжид хүлээлгэж өгнө.
 - Арилжааны зохицуулалтын нэгж гэрээт ажлыг гүйцэтгэсэн тухай актыг захиалагчтай үйлдэн, эцэслэн баталгаажуулж, санхүүгийн нэгжээс нэхэмжилсний дагуу Захиалсан компани гэрээт ажлын үлдэгдэл төлбөрийг төлсөний дараа албан тоотын хамт тооцоог хүлээлгэн өгнө.
- 4.6 Нэг болон түүнээс дээш сарын хугацаанд хийгдэх тендерийн болон захиалгат ажлын үед ажилтны үндсэн ажлыг алдагдуулалгүйгээр зохицуулах, Хөдөлмөрийн хуулийн дагуу өөр

ажилтанд хавсруулан гүйцэтгүүлэх асуудлыг холбогдох нэгжийн удирдлага зохион байгуулна.

- 4.7 Нэмэлт ажил үйлчилгээг гүйцэтгэхэд шаардлагатай албан томилолт, зочид буудал, шатахуун, тээврийн зардлыг тухайн гэрээт ажлын урьдчилгаа төлбөрөөс олгоно.
- 4.8 Импортын нэмэлт үйлчилгээний төлбөр тооцоо сар бүр тогтмол хийгдэх ба гэрээлэгч байгууллагын тухайн сарын импортын цахилгаан эрчим хүчний болон гаалийн бүрдүүлэлтийн төлбөр, үйлчилгээний хөлсийг компанийн нэмэлт ажил үйлчилгээний харгалзах дансанд нэхэмжлэн авч төвлөрүүлнэ.
- 4.9 Гэрээний төсөл боловсруулах, хэлцэл хийх нэмэлт үйлчилгээний төлбөр тооцоог тухайн ажил эхлэхээс өмнө компанийн нэмэлт ажил үйлчилгээний дансанд нэхэмжлэн авч төвлөрүүлнэ.
- 4.10 Нэмэлт ажил үйлчилгээний журамтай холбоотой аливаа асуудлыг Захиргааны нэгжийн саналыг үндэслэн шийдвэрлэж, эрх зүйн зохицуулалт хийнэ.
- 4.11 Станцуудын дотоод хэрэгцээний шин дээрээс шууд /түгээх сүлжээнээс гадуур/ эрчим хүчний борлуулалт хийсэн тохиолдолд борлуулалтын орлогын нэгж тутмаас ЭХЗХ-ноос баталсан диспетчерийн зохицуулалтын үйлчилгээний тарифын хувь хэмжээгээр тооцож, станцуудаас төлбөр авна. Энэ талаар станцуудтай байгуулах ЦЭХ ХХА гэрээнд тусган тус гэрээг дүгнэхдээ шинийн түгээлтийн тооцоог хийж баталгаажуулна.

Тав. Ажил үйлчилгээний орлого, түүний зарцуулалт

- 5.1 Ажил үйлчилгээний орлогыг бэлэн мөнгөөр касс тусаах ба бэлэн бусаар компанийн харилцах дансанд шилжүүлнэ.
- 5.2 Тухайн гэрээт ажил үйлчилгээ явуулахад шаардлагатай зардлыг тус ажил үйлчилгээний орлогоос санхүүжүүлэх ба тухайн ажил үйлчилгээнээс олсон цэвэр ашгийг санхүүгийн нэгж тодорхойлно. Санхүүгийн нэгж нь цэвэр ашгийн өмнөх зардлын холбогдох баримтыг бүрдүүлж, ашиглагдсан биет болон биет бус хөрөнгийн элэгдлийг тооцон, цэвэр ашгийн тодорхойлолтыг дэлгэрэнгүй тайлбарын хамт Захирлын зөвлөлийн хуралд танилцуулна.
- 5.3 Гэрээт ажил бүрэн дуусч, гэрээт ажлын төлбөр ажил хүлээлцэх акт болон холбогдох санхүүгийн бусад баримтын дагуу компанийн харилцах данс эсхүл бэлэн мөнгөний касс бүрэн орсон нөхцөлд цэвэр ашгийн 50 хувийг журмын 5.7, 5.8, 5.9-д заасны дагуу хуваарилана.
- 5.4 Нэмэлт ажил үйлчилгээний нийт ашгаас хуваарилагдаагүй үлдсэн 50 хувийг Төсвийн тухай хуулийн 44 дугаар зүйлийн 44.5 дахь заалтын дагуу төлөвлөгөөнд тусгагдаагүй зардлыг санхүүжүүлэх, ажилтнуудын нийгмийн арга хэмжээг шийдвэрлэхэд зарцуулна.
- 5.5 Шинийн түгээлтийн зохицуулалтын үйлчилгээнээс олсон орлогыг Төв диспетчерийн албанд хуваарилна.
- 5.6 Цахилгаан эрчим хүчний импортын үйлчилгээ болон Бие даасан эрчим хүч үйлдвэрлэгчийн ЦЭХХА гэрээний төсөл боловсруулахтай холбоотой судалгаа тооцоо хийх, хэлцэл хийх үйлчилгээнээс байгууллагад орсон орлогыг байгууллага болон Арилжааны зохицуулалтын албанд хуваарилна.
- 5.7 Техникийн албад болон Арилжааны зохицуулалтын алба нь Нэмэлт ажил үйлчилгээ үзүүлсэн орлогын хуваарилбал зохих 50 хувь /журмын 5.3-д заасан/-аас тооцон Захиргааны болон Санхүүгийн нэгжид тус бүрд 3 хувийг олгох ба нэгжийн дарга нь өөрийн нэгжийн ажилтнуудад тухайн ажлын шууд болон шууд бус оролцоог үндэслэн хуваарилалт хийнэ.
- 5.8 Захиргаа болон санхүүгийн нэгжид хуваарилалт хийсний дараах үлдэгдлээс тооцон 4 хувийг нэмэлт ажил үйлчилгээний гэрээг боловсруулж, гэрээ байгуулах ажлыг хариуцан гүйцэтгэж байгаа зохицуулалтын нэгжид хуваарилна.
- 5.9 Техникийн болон арилжааны албаны дарга нар хуваарилбал зохих нийт цэвэр ашгаас захиргаа, санхүү, зохицуулалтын нэгжид хуваарилалт хийсний дараах үлдэгдлийн хуваарилалтыг удирдлагын багт болон нэгжийн ажилтнуудад тухайн ажилд оролцсон оролцоо, хүлээх хариуцлагын хэм хэмжээг харгалзан нэгжийн нийт ажилтнуудын хурлаар хэлэлцэн хийж, хурлын шийдвэр, тэмдэглэлийн хамт Захирлын зөвлөлийн хуралд танилцуулж шийдвэрлүүлнэ.

Нэмэлт ажил, үйлчилгээ зохицуулах журам

Тайлбар:

Зохицуулалтын нэгж: Нэмэлт ажил үйлчилгээний гэрээг боловсруулж, гэрээг байгуулах ажлыг хариуцан гүйцэтгэж буй алба, хэлтэс

Захиргааны нэгж: Захиргаа удирдлагын чиг үүргийг хэрэгжүүлж буй алба, хэлтэс

Санхүүгийн нэгж: Санхүү бүртгэлийн чиг үүргийг хэрэгжүүлж буй алба хэлтэс

Зургаа. Ажил үйлчилгээний нэр төрөл, үнэ тариф

№	Үйлчилгээ, бүтээгдэхүүний төрөл, нэр	Ангилал	Тариф, Tөгpör/cар
Нэг. Холбооны үйлчилгээ			

Нэмэлт ажил, үйлчилгээ зохицуулах журам

1.	Хотын телефон утас шинээр тавих	1 утсанд	35000
2.	Дотуур телефон утас шинээр тавих	1 утсанд	15000
3.	Хотын болон дотуур телефон утас шилжүүлэн байршуулах	1 утсанд	10000
4.	Дотуур телефон утасны сарын хураамж	1 утсанд	5000
5.	Утасны үзүүр солих /гол шугам/	1 утсанд	3000
6.	Телефон утас салаалах/уртасгах/, дотуур монтажийн үйлчилгээ	1 утсанд	3000
7.	Дотуур телефоны эрх нээх, хаах	1 утсанд	1000
8.	Телефон утасны шугамын гэмтлийг тодорхойлж засварлах	1 утсанд	5000
9.	Дотуур телефон утасны дэлгэрэнгүй тооцоо хэвлэх	1 утсанд	2000
10.	Телефоны аппараттай холбогдуулан заавар зөвлөлтөө өгөх	1 утсанд	2000
11.	Кабель гол, салбар үзүүр ашигласны хураамж	1 утсанд	3000
12.	Телефон аппаратны шугамын шнур, микротелефоны шнурын конектор солих	1 утсанд	1000
13.	Тохируулгатай болон факсын аппаратад тохируулга хийх	1 утсанд	5000
14.	Телефон аппаратны гэмтэлтэй шугамын шнурыг шинээр солих	1 шнур	2000
15.	Телефон аппаратны гэмтэлтэй микротелефоны шнурыг шинээр солих	1 шнур	3000
16.	Телефон аппаратын засвар, үйлчилгээ	1 утсанд	2000
17.	Оффист кабелийн монтаж хийх	1 шугам	5000
18.	Шилэн кабелиар ярианы суваг /64 kbps/	1 суваг	20000

Нэмэлт ажил, үйлчилгээ зохицуулах журам

19.	Шилэн кабелиар 1Е дамжуулах /2 Mbps/	1Е	500000
20.	Кабелийн худаг, сувагчлалыг түрээслэх Бүрэн ба бүрэн бус км тутамд Дараагийн км тутамд Худгийн хураамж 1 удаа /том/ /жижиг/		80000 10000 5000 3000
21.	Барилга байгууламжийн доторх кабелийн суваг, кабелийн тавиур ашиглан кабель татаж байрлуулах түрээсийн тариф Шилэн кабель Физик кабель		30000 25000
22.	Шилэн кабель түрээслэх /Цэгээс-цэг/	1 core	400000
23.	Шилэн кабелийн муфт хийх	1 муфт	50000
24.	Шилэн кабель гагнах	1 core	9000
25.	Шилэн кабель тест хийх /Протокол үйлдэх/	1 core	7000
26.	Холбооны сувагчлалаар кабель суурилуулах	1 км тутамд	1100
27.	Өндөр үелзлэлийн холбооны ажлын зураг боловсруулах	-	1450000
28.	Аянгийн троссын шилэн кабелийн холбооны ажлын зураг боловсруулах	-	1000000
29.	Диспетчерийн автомат удирдлагын системийн ажлын зураг боловсруулах (SCADA)	32 цэг хүртэл 100 цэг хүртэл 300 цэг хүртэл 1000 цэг хүртэл 2500 цэг хүртэл 2500 м дээш	3000000 5000000 8000000 12000000 18000000 25000000
30.	Цахилгаан дамжуулах агаарын шугамын шилэн кабелийн ажлын зураг боловсруулах	10м хүртэл 100 м хүртэл 300 м хүртэл 500 м хүртэл 500 м дээш	5960 3580 2630 2150 1720
31.	ТЗЭ байгууллагуудын холбоо, СКАДА, тоолуурын нэгдсэн системд гарсан гэмтлийг тодорхойлж, засварлах (Томилолт, сэлбэг материалын зардал ороогүй)	1 удаа	250000
32.	ТЗЭ байгууллагуудын холбоо, СКАДА, тоолуурын нэгдсэн системд техникийн үзлэг үйлчилгээ хийх (Томилолт, сэлбэг материалын зардал ороогүй)	1 удаа	150000
Хоёр. Тоолуурын нэгдсэн систем			

Нэмэлт ажил, үйлчилгээ зохицуулах журам

33.	Мэдээлэл дамжуулах GPRS модемын програмчлал	-	350000
34.	Модем суурилуулах, холбох (Томилолтын зардлыг гэрээгээр зохицуулна)	-	100000
35.	ТНС-д холбох ажлын зураг боловсруулах	-	250000
36.	ТНС-н вэб хандалтын 1 ш эрх	-	150000
Гурав. Мэдээлэл технологийн үйлчилгээ			
1. Интернэтийн үйлчилгээ:			
37.	1 Mbps /[нэр].energy.mn бүтэц бүхий домайн нэр/	E-mail 20	185000
38.	3 Mbps /[нэр].energy.mn бүтэц бүхий домайн нэр/	Standart	555000
39.	5 Mbps /[нэр].energy.mn бүтэц бүхий домайн нэр/	Professional	925000
40.	10 Mbps /[нэр].energy.mn бүтэц бүхий домайн нэр/	Unlimited	1850000
2. Вэб байршуулалт			
41.	E-mail 20 /Mail box size 50 Mb/	20 И-мэйл хаяг	5000
42.	Standart /Mail box size 1 Gb space; Unlimited transfer; 3 MySQL Database; 10 E-mail Forwards/	30 И-мэйл хаяг	30000
43.	Professional /Mail box size 3 Gb space; Unlimited transfer; 5 MySQL Database; 25 E-mail Forwards/	50 И-мэйл хаяг	50000
44.	Unlimited /Mail box size Unlimited space; Unlimited transfer; Unlimited MySQL Database; Unlimited E-mail Forwards/	Unlimited	100000
45.	Нэмэлт үйлчилгээ / И-мэйлийн автомат үйлчилгээ: Auto responder, Forward; мартсан нууц үг сэргээх, Тогтмол оноосон IP хаяг олгох, хэрэглэгчийн И-мэйл хаяг, ID өөрчлөх, И-мэйл хаягийн эрх түр хаах, нээх г.м./	1 хэрэглэгч	5000
3. VPS(Виртуул сервер)-ийн түрээсийн үйлчилгээ			

Нэмэлт ажил, үйлчилгээ зохицуулах журам

46.	"Standart-VPS" Hard: 50GB, RAM:1536mb, Managed: Fully, Transfer:100 mbps	-	80000			
47.	"Professional-VPS" Hard: 100GB, RAM:2GB, Managed: Fully, Transfer:100 mbps	-	150000			
48.	"Ultimited-VPS" Hard: 150GB, RAM:3GB, Managed: Fully, Transfer:100 mbps	-	250000			
49.	Mass и-мэйл үйлчилгээ (Эрчим хүчний салбарын ажилтнуудад)	500 хаягт 1 удаа	50000			
4 Дуудлага, засварын үйлчилгээ						
50.	КЛС-ний кабелийн дотуур монтажийн ажлууд	1 компьютер	10000			
51.	Компьютерийг форматлан засварлаж, хэвийн ажиллагаанд оруулах, Хэрэглээний програм хангамж суулгах, тохируулах /Windows, MS Office, кирил үсэг, фонт г.м/ Вирус шалгах, илрүүлсэн тохиолдолд устгах	1 компьютер	20000			
52.	Компьютерийн туслах хэрэгсэл ба иж бүрдлийн гэмтэл засварлах, тохируулах /принтер, маус, CD, sound card, keyboard, FDD г.м/	1 ш	5000			
Дөрөв. Хэвлэлийн үйлчилгээ						
53.	Өргөн форматын принтерээр хэвлэж өгөх	АО А1	15000 10000			
Тав. Реле хамгаалалт, автоматикийн үйлчилгээ						
	Тоноглолын нэр	Хийгдэх ажил	Хэмжилт, шалгалт	Угсралт, монтаж	Тавил, тохируулга	Тавилын тооцоо
1	110 кВ ба түүнээс дээш хүчдэлтэй шугамын 1 талын иж бүрдэл РХА	Үндсэн хамгаалалт	250000	12000 00	150000	4000000
		Бэлтгэл хамгаалалт	200000	10000 00	100000	
2	110 кВ ба түүнээс дээш хүчдэлийн бүх төрлийн холбоосын хүчний трансформатор болон бусад тоноглолын РХА	Үндсэн хамгаалалт	350000	15000 00	150000	4000000
		Бэлтгэл хамгаалалт	200000	10000 00	100000	
3	Үндсэн хамгаалалтын суваг г, пост /нэг талын/	Тохируулга	250000	12000 00	-	-
4	35 кВ ба түүнээс доош хүчдэлийн шугам, трансформаторуудын	Үндсэн хамгаалалт	200000	10000 00	150000	2000000

Нэмэлт ажил, үйлчилгээ зохицуулах журам

		Бэлтгэл хамгаалалт	150000	80000 0	100000	
5	110 кВ ба түүнээс дээшхи хүчдэлийн түвшин бүхий таслуур	Удирдлагын хэлхээ	250000	75000 0	-	-
6	35 кВ ба түүнээс доош хүчдэлийн түвшин бүхий таслуур	Удирдлагын хэлхээ	150000	35000 0	-	-
7	3 хүртэлх ороомог бүхий гүйдлийн трансформатор	Гүйдлийн хэлхээ	100000	25000 0	-	-
8	3-аас дээшхи хүртэлх ороомог бүхий гүйдлийн трансформатор	Гүйдлийн хэлхээ	150000	50000 0	-	-
9	Автоматик	АПВ	300000	50000 0	150000	300000
		АЧР, ЧВА	500000	75000 0	150000	500000
		АЛАР	500000	75000 0	150000	850000
		Синхрон хяналтын хэлхээ	500000	75000 0	150000	250000
10	Хүчдэлийн трансформатор /35 кВ хүртэл/	Хүчдлийн хэлхээ	250000	50000 0	250000	-
11	Хүчдэлийн трансформатор /35 -оос дээш/	Хүчдлийн хэлхээ	300000	50000 0	250000	-
12	110 кВ ба түүнээс дээш хүчдэлийн шугам, дэд станцын зураг төсөлд	Богино залгааны тооцоо	-	-	-	1000000
13	35 кВ ба түүнээс доош хүчдэлийн шугам, дэд станцын зураг төсөлд	Богино залгааны тооцоо	-	-	-	800000
14	Техник эдийн засгийн үндэслэл боловсруулах	Гэрээгээр тохирно				
15	Дэд станцын анхдагч хэлхээний зураг төсөл	Төсвийн дагуу гэрээгээр тохирно				

Нэмэлт ажил, үйлчилгээ зохицуулах журам

	боловсруулах	
16	Хоёрдогч хэлхээний зураг төсөл боловсруулах	Төсвийн дагуу гэрээгээр тохирно

Зургаа. Цахилгаан эрчим хүчний импортын үйлчилгээ

1	Цахилгааны эрчим хүчний импортын нэмэлт үйлчилгээ үзүүлэх		Сард 500,000.00 төгрөг
Долоо. Бие даасан эрчим хүч үйлдвэрлэгчийн ЦЭХХА гэрээний төсөл боловсруулахтай холбоотой судалгаа, тооцоо хийх, хэлцэл хийх			
1	Нэгдсэн сүлжээнд холбогдох шинэ эх үүсвэрийн ЦЭХХА гэрээний төсөл боловсруулах, баримт бичгийн бүрдүүлэлт, судалгаа хийх	0-50 МВт	3 000 000 төгрөг
2		51-150 МВт	5 000 000 төгрөг
3		151-300 МВт	10 000 000 төгрөг
4		301 МВт-ээс дээш чадалтай	15 000 000 төгрөг

Найм. Горимын тооцоотой холбоотой ажил, үйлчилгээ

№	Гүйцэтгэх ажил	Гүйцэтгэх ажил, тооцоо, судалгаа	Үнийн дүн, төгрөг
1	Өгөгдөл бүрдүүлэх	1. Тооцооны схем, өгөгдөл бүрдүүлэх 2. Тоноглол сонгох 3. Сонгосон тоноглолын техникийн өгөгдлийг тооцооны өгөгдөлд хөрвүүлэх 4. Тооцооны схем болон хувилбар сонгох	3375000
2	Суурь тооцоотой холбоотой үндсэн судалгаа	5. Энергийн балансын судалгаа 6. Чадлын балансын судалгаа 7. Эх үүсвэрийн судалгаа, техникийн минимум, максимумын судалгаа	3375000
3	Программд оруулж, нягтлах	8. Шинэ тоноглолын мэдээллийг оруулах, тооцооны программд хөрвүүлж өгөгдөл оруулж, нягтлах 9. Өгөгдөлд нягталж, программын ажиллах боломжийг шалгах	1125000
5	Тогтсон горимын тооцоо	Шинэ эх үүсвэрийн тогтворжсон горимын тооцоо Систем хооронд шинэ шугам холбох, бүсийн буюу салбарын хэмжээний холболт	3375000

Нэмэлт ажил, үйлчилгээ зохицуулах журам

		10.Чадлын урсгалын тооцоо, хүчдлийн горим нягтлах	
		Системд холбогдох шинэ эх үүсвэр 11.Зуны бага ачааллын үеийн хамгийн бага ачааллын цагийн утгуудад тооцоог хийх 12.Зуны бага ачааллын үеийн хамгийн их ачааллын цагийн утгуудад тооцоог хийх 13.Өвлийн их ачааллын үеийн оргил ачааллын цагийн утгуудад тооцоог хийх 14.Өвлийн их ачааллын үеийн бага ачааллын цагийн утгуудад тооцоог хийх 15.Горим ажиллагааны хувилбаруудыг авч үзэх, тооцох, 16.Чадал болон хүчдлийн алдагдлыг тооцоолох	3375000
6	Статик тогтворжилтын тооцоо	17.N-1 18 Хүндрүүлсэн горимын хувилбаруудыг авч үзэх	3375000
7	Урьдчилсан тооцооны өгөгдлийг хянах	19.Нэгдсэн сүлжээний горим ажиллагаанд урьдчилсан тооцооны шийдэл боловсруулах 20.Зөвлөмж боловсруулах	1575000
8	Хэтийн төлөв тооцоолох суурь судалгаа	21.Олон жилийн ачааллын таац гаргах 22.Эх үүсвэрийн судалгаа 23.Энергийн балансын тооцоо 24.Чадлын балансын тооцоо	3375000
9	Хэтийн төлөвт тогтсон горимын тооцоо хийх	Шинэ эх үүсвэрийн тооцоог хэрэглээний ойрын 5 жилийн өсөлттэй уялдуулан тооцох тогтворжсон горимын тооцоо Систем хооронд шинэ шугам холбох, бүсийн буюу салбарын хэмжээний холболт 25.Зуны бага ачааллын үеийн хамгийн бага ачааллын цагийн утгуудад тооцоог хийх 26.Зуны бага ачааллын үеийн хамгийн их ачааллын цагийн утгуудад тооцоог хийх	3375000

Нэмэлт ажил, үйлчилгээ зохицуулах журам

		27.Өвлийн их ачааллын үеийн оргил ачааллын цагийн утгуудад тооцоог хийх 28.Өвлийн их ачааллын үеийн бага ачааллын цагийн утгуудад тооцоог хийх 29.Тогтсон горимын хувилбаруудаар тооцоолох	
		Системд холбогдох шинэ эх үүсвэр	3375000
		30.Хэрэглээний таацтай уялдуулан тооцоо хийх, эх үүсвэр дээрх генераторуудын актив, реактив чадлын урсгал, нөлөөллийг тооцох	
		31.Статик тогтворжилтын тооцоо 32.Найдваржилтын тооцоо 33.Аваарын горимын хувилбарууд	4500000
10	Хэрэглэгчдийг холбох үеийн горимын тооцоо	34. Нэгдсэн сүлжээнд холбогдсон шинэ хэрэглэгчийн тогтворжсон горимын тооцоо, их бага ачааллаар 110 кВ-оос дээш хүчдлээр, аймгийн төв 35 кВ-оос дээш хүчдлээр, аймгийн төв 35 кВ-оосдээш хүчдлээр, сумын төв Бүсийн хэмжээнд холбогдсон шинэ хэрэглэгчийн тогтворжсон горимын тооцоо, их бага ачааллаар 110 кВ-оос дээш хүчдлээр, аймгийн төв 35 кВ-оос дээш хүчдлээр, аймгийн төв 35 кВ-оос дээш хүчдлээр, сумын төв	4500000
11	Динамик тогтворжилтын тооцоо	35.Системийн давтамжийн тогтворжилт 36.Системийн хүчдлийн тогтворжилт 37.Зэрэгцээ ажиллах генераторуудын синхрон ажиллаж чадварыг тодорхойлох 38.Реле хамгаалалтын селектив бус ажиллагаатай холбоотой тогтворжилтын тооцоо	4500000
15	Горим ажиллагааг тодорхойлсон тооцоо	38.Горим ажиллагааны тооцоог хянах	3375000

Нэмэлт ажил, үйлчилгээ зохицуулах журам

	хянах	39.Шийдэл боловсруулах 40.Зөвлөмж боловсруулах 41.Тайлан хүргүүлэх	
	Нэгдсэн тайлан	Бүрэн хэмжээгээр	4500000
16	Нэмэлтээр хувилбарууд тооцоолох	Захиалагчийн хүсэлтийн дагуу нэмэлт хувилбар сонгож авсан тохиолдолд	4500000
17	Холбох үеийн тодотгол ба тооцооны хувилбарууд боловсруулах	43.Горим ажиллагааны үндсэн схем сонгох 44.Холбогдох тооцооллыг хийх, шалгах	3375000
18	Бусад ТЗЭ болон аж ахуйн нэгжийн хийсэн тооцоо судалгааг хянах	46.Үндсэн тооцооллыг шалгах 47. Зөвлөмж бичих	4500000

Ес. Шинийн түгээлтийн зохицуулалтын үйлчилгээ

1	Шинийн түгээлтийн зохицуулалтын үйлчилгээ /ДЦС-2, ДЦС-3, ДЦС-4 ТӨХК-ууд/	Шинээс түгээсэн цахилгаан эрчим хүчний борлуулалтын орлогын нэгж төгрөг тутмаас диспетчерийн зохицуулалтын үйлчилгээний тарифаар тооцно.
---	--	--

Тайлбар:

1. Үйлчилгээнд зарцуулсан материалын зардал, томилолтын зардал тарифт тусгагдаагүй.
2. Программ хангамж боловсруулах, хяналт мэдээллийн систем, мэдээллийн сан зохион байгуулах, нарийн график дүрслэлийн боловсруулалт хийх, техникийн үнэлэлт, дүгнэлт гаргах зэрэг цаг хугацаа, хүн хүчний нөөц ихээхэн шаардагдах ажлуудыг ажлын эзэлхүүнийг тодруулсны үндсэн дээр үнийг тохиролцож хийнэ.

Хавсралт-1

Үйлчилгээний хуудас № . . . Үйлчилгээний төрөл: Холбоо , Компьютер, Хэвлэлийн, Бусад /доогуур нь зурах/ Байгууллагын нэр: _____ Он, сар, өдөр: _____ Товч агуулга: _____ _____ Хийсэн ажил, авсан арга хэмжээ: _____	Тасалбар № . . . Байгууллагын нэр: _____ Үйлчилгээний төрөл: _____ _____ Товч агуулга: _____ _____ Авсан арга хэмжээ, үнэлгээ: _____ _____
---	---

Нэмэлт ажил, үйлчилгээ зохицуулах журам

_____	_____
_____	_____
_____	_____
_____	_____
_____	_____
Зардал, үнэлгээ /Материал, цаг зарцуулалт/:	_____
_____	_____
_____	_____
_____	_____
Захиалга авсан: _____	Захиалагч: _____
Захиалга өгсөн: _____	_____
Гүйцэтгэсэн: _____	Гүйцэтгэгч: _____
Хянасан: _____	_____
Он, сар, өдөр: _____	Он, сар, өдөр: _____

Ес. Журам хүчин төгөлдөр болох

9.1 Энэхүү журмыг 2017 оны 5 дугаар сарын 22-ны өдрөөс эхлэн дагаж мөрдөнө.